

COMUN SAN MARTIN DE TOR

Al vëgn lascé alsavëi che les domandes por contribuc y aiüc economics por l'ativité ordinara tl ann 2021 a uniuns y assoziaziuns mëss gní dades jö te comun cina le vëndres, 26 de merz 2021. I formulars por la domanda é da ciáfë sön la plata internet dl Comun www.comun.sanmartindetor.bz.it o tl secretariat de comun. Domandes dades jö do chësc termo ne vëgn nia tutes en conscideraziun.

I ofizi de Comun resta stluc al publich por gauja dla situaziun covid-19 dal lönesc, 08.02.2021 al vëndres ai 19.02.2021. L'azes al publich por chestiuns de prescia y por le destrigamënt de sorviss essenziail é garantí sön apuntamënt, al nr. tel. 0474 523125 o tres e-mail: info@comune.sanmartinoinbadia.bz.it

I ofizi de Comun è da arjunje por telefon y por e-mail ti orars d'ofize normai dales 8.00 ales 12.00 y dales 14.00 ales 17.30 o por e-mail.

PLOANIES SAN MARTIN Y LUNGIARÜ

Carsëma cun le „Sonntagsblatt“: Tl tēp de Carsëma vëgnel presenté tl „Sonntagsblatt“ dla diozeja pinsiers d'atual y importanc por la vita cristiana sura „Schuld und Vergebung“. I podëis instesc s'aboné le „Sonntagsblatt“ por le tēp de Carsëma al cost de 7 euro: por telefon 0471 925 590 o por e-mail leserservice@athesia.it

Ince en chësc ann oress l'Ofize diozejan por Scora y Catechesa ves acompagné tl tēp de Carsëma cina ala festa de Pasca cun impuls adincuntra a Pasca. I interessá pó s'aboné chisc impuls che vëgn mená fora tres newsletter y ch'ai ciafa vigni dedemesaledema por e-mail.

L'abonamënt podëise fá por internet sot a <https://www.bz-bx.net/de/kontakte/anmeldung-impuls-newsletter.html>

La Uniun Catolica di Èi (KMB) inviëia ai eserzizi dla uniun (kmb-Exerziten) dala Jöbia, 25 de merz, cina ala domënia, 28 de merz 2021, tl Convënt de Marienberg. Le numer é limité a 12 porsones. Prenotaziuns por telefon +39 320 444 5399 o por e-mail info@kmb.it

SAN MARTIN

Bel dilan dles ofertes en recordanza de Maria Clara Verginer por la dlijia: da pert de fam. Pio Trebo y fam. Maurizio Soppelsa.



Plata dles Ploanies San Martin y Lungiarü

siur ploian Klaus Sottas 344 15 54 055 - klsottas@rolmail.net
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

14.02. - 21.02.21 nr. 12

6ª DOMÈNIA ia por l'ann B

Vangele do Merch 1,40-45

Al é gnü n levrus da Gejü y periâ do aiüt; al s'â inslené jö dan da d'ël y à dit: Sce tö ôs, este bun da fâ ch'i vëgnes nët.

Gejü â compasciun impara; al à tignì fora la man, l'â aziché y à dit:

I ô che te varësces! Te chël momënt s'un é la levra sparida, y l'ël é nët.

Gejü l'â ortié demez y ti à racomané: Mët averda! No stë a ti al cunté a zacai, mo va y móstrete al prou y porta dant en testimonianza por ëi

le sacrificie de purificaziun che Mosè à scrit dant. L'ël s'un é jü y cuntâ te vigni gaujiun ci che é sozedü; al cuntâ incërch döta la storia, tan che Gejü ne podö plü se lascé odëi te degöna cité; al se tignî mâ plü sö defora dles citës te posc sorënc. Impò gnò la jënt da d'ël da dlunch adalerch.



Gejü tēgn fora la man sura le levrus desmostran süa potesté y süa forza.

Mo spo vá Gejü n vare inant, al azica le levrus.

Gejü ne stá nia dalunc, mo l'azican se lascel ite tl destin dl amaré.

Idí é te süa misericordia tan gran ch'al ne stá nia dalunc dal amaré a le varí.

Chël Bel Dî vëgn ite amesa la meseria dla jënt.

Aziché y pié ite significhëia che Gejü s'un tol propi sura deplëgn dl levrus.

Y chësc ti lascel sintí a chël levrus che é jü da d'ël cun crëta y gran fidënza.

Gejü vá sura les regoles dla lege fora che detlarâ i levrus impurs y che i stlujö fora dla sozieté.

Insciö á Gejü desmostré che la maratia n'é nia n castighe de Dî.

A chësc püre levrus, che gnò conscidré dala sozieté tan co bele mez mort, é Chël Bel Dî che s'oj pomez te süa misericordia y ti ó bun.

EDEMA	SAN MARTIN	LUNGIARÜ	CARLASCÉ
14.02.2021 6^a DOMËNIA - Ann B <i>Domënia Grassa</i>	9.00 Corona por + Maria Clara Verginer 9.30 Gran Mëssa por la Comunité de rengr. fam. Lorenz Planatscher + siur Angel Morlang (dl ann) + Rita Rubatscher Verginer (dl'Uniun) ++ Franz y Cristina Conrater, Ciapin 2 ^a de sopoltöra de + Maria Clara Verginer	7.55 Corona 8.15 Gran Mëssa por la Comunité	
15.02.21 Lönesc <i>Siegfried, Faustin</i>			
16.02.21 Dedolönesc <i>Iuliana, Filipa</i>	19.00 Mëssa dl ann + Paola Gasser Bioc + Teodolinda Clara Mühlmann		
17.02.21 Mercui Capiun <i>Fondadus di Servic</i>	19.00 Mëssa cun imposiziun dl cënder por la grazia dla converjiun de rengraziament por les püres Animes	7.30 Mëssa cun imposiziun dl cënder + Roslinda Dejaco Clara + Eusebio y Angela Nagler	Unse ciamó vöia da fä carlascé? S'la rí y pité alda pro la vita; cun chëstes nostes espresciuns umanes se lasciunse ite ti alc y basc dla vita y insciö podunse ince partí cun i atri ligrëzes y crusc.
18.02.21 Jöbia <i>Scimun, Costanzia</i>	7.30 Mëssa + Pepi Dejaco, Larjëi + Rita Rubatscher Verginer por les Animes arbandonades Corona por vocaziuns		
19.02.21 Vëndres <i>Irmgard, Bonifaz</i>	18.30 Adoraziun chîta 19.00 Adoraziun deboriada	7.30 Mëssa + Paola Nagler + Albina Clara, Ai Jus dl ann + Franz Flatscher	
20.02.21 Sabeda <i>Amata, Iordan</i>	17.30 Mëssa prefestia 3a de sopoltöra de Maria Clara Verginer + Maria Pedevilla vis y def. fam. Carmen Erlacher ++ Guido y Emma Clara + Loise Canins Flöss, Anví (dl ann)	19.00 Mëssa prefestia fam. de Marino y Maria Clara de rengr. de Valerio y Alma Clara dl ann ++ Giovanni y Sabina Clara, Seres + Paul Castlunger	
21.02.2021 1^a DOMËNIA DE CARSËMA - B	9.00 Corona/Staziuns 9.30 Gran Mëssa por la Comunité dl ann + Maria Tavella Vanzi dl ann + Hannele Pedevilla Trebo frater Martin Ploner (dla Uniun) ++ Dolfo y Fonjo Unterweger	7.55 Corona/Staziuns 8.15 Gran Mëssa por la Comunité	

Unse ciamó vöia da fä carlascé?
S'la rí y pité alda pro la vita;
cun chëstes nostes espresciuns umanes
se lasciunse ite ti alc y basc dla vita
y insciö podunse ince partí cun i atri
ligrëzes y crusc.

CAPIUN

Le cënder, cun chël ch'i gnun signá
en capiun, é dles rames dl orí dl ann passé.
Les rames, cun chëres ch'i un saludé Gejú
sciöche Messia, é seciades
y al é ma plü resté le cënder.
Insciö éres diventades sëgn de penitënza
y de converjiun – por ch'i podunse indô
saludé danü Gejú Crist sciöche nosc Signur.